

集部

別集

四库家藏

綱領

曰思無邪 謝語詩三百一言以蔽之曰思無邪程氏曰思無邪誠也

嵇康集

陶淵明集

謝靈運集

鮑參軍集

山東書報出版社



总 目 录

- 一 嵇康集 1
- 二 陶渊明集 85
- 三 谢灵运集 131
- 四 鲍照集 205
- 五 庾信集 289



目 录

【卷 一】

兄秀才公穆入军赠诗十九首 1

附：秀才答四首 2

幽愤诗一首 3

述志诗二首 3

游仙诗一首 4

六言十首 4

重作四言诗七首 4

思亲诗一首 5

附：郭遐周赠三首 5

附：郭遐叔赠五首 6

答二郭三首 6

与阮德如一首 7

附：阮德如答二首 7

酒会诗七首 8

杂诗一首 8

四言诗四首 8

五言诗三首 9

【卷 二】

琴赋一首(并序) 13

与山巨源绝交书一首 16

与吕长悌绝交书一首 18



【卷 三】

- 卜疑集一首 21
稽荀录一首(亡) 22
养生论一首 22

【卷 四】

- 附:黄门郎向子期难养生论一首 26
答难养生论一首 27

【卷 五】

- 声无哀乐论 37

【卷 六】

- 释私论一首 48
管蔡论一首 50
明胆论一首 51

【卷 七】

- 附:张辽叔自然好学论一首 56
难自然好学论一首 56

【卷 八】

- 附:宅无吉凶摄生论一首 59
难宅无吉凶摄生论一首 60

【卷 九】

- 附:释难宅无吉凶摄生论一首 66



答释难宅无吉凶摄生论 68

【卷十】

太师箴 77

家诫 78

【佚文】

游仙诗 83

琴赞 83

酒赋 83

白首赋 84

集部

别集

嵇康集

○ 目录



卷 一

兄秀才公穆入军赠诗 十九首⁽¹⁾

双鸾匿景曜，戢翼太山崖。
 抗首漱⁽²⁾朝露，睨阳振羽仪。
 长鸣戏云中，时下息兰池。
 自谓绝尘埃，始终永不亏。
 何意世多艰，真人来我疑⁽³⁾。
 云网塞四区，高罗正参差。
 奋迅势不便，六翮无所施。
 隐姿就长缨，卒为时所羁。
 单雄翻孤⁽⁴⁾逝，哀吟伤生离。
 徘徊恋俦侣，慷慨高山歌。
 鸟尽良弓藏，谋极身心⁽⁵⁾危。
 吉凶虽在己，世路多险巇。
 安得反初服？抱玉宝六奇。
 逍遥游太清，携手长相随○
 鸞鸞于飞，肃肃其羽。
 朝游高原，夕宿兰渚。
 邕邕和鸣，顾盼⁽⁶⁾俦侣。
 俯仰慷慨，优游容与○
 鸞鸞于飞，嘒嘒命俦。
 朝游高原，夕宿中洲。
 交颈振翼，容与清流。
 咀嚼兰蕙，俯仰优游○
 泳彼长川，言息其游。
 陟彼高冈，言刈其楚。
 嗟我征迈，独行踽踽。

仰彼凯风，涕泣如雨○
 泳彼长川，言息其游。
 陟彼⁽⁷⁾高冈，言刈其杞。
 嗟我独征，靡瞻靡恃。
 仰彼凯风，载坐载起○
 穆穆惠风，扇彼轻尘。
 弈弈素波，转此游鳞。
 伊我之劳，有怀佳⁽⁸⁾人。
 寤言永思，实钟所亲○
 所亲安在？舍我远迈。
 弃此荪芷，袭彼萧艾。
 虽曰幽深，岂无颓沛？
 言念君子，不遑有害○
 人生寿促，天地长久。
 百年之期，孰云其寿。
 思欲登仙，以济⁽⁹⁾不朽。
 揽辔踟蹰，仰顾我友○
 我友焉之？隔兹山阿⁽¹⁰⁾。
 谁谓河广？一苇可航。
 徒恨永离，逝彼路长。
 瞻仰弗及，徙倚彷徨○
 良马既闲，丽服有晖。
 左挽繁弱，右接忘归。
 风驰电逝，蹶景追飞。
 波厉中原，顾盼⁽¹¹⁾生姿○
 携我好仇，载我轻车。
 南凌长阜，北厉清渠。
 仰落惊鸿，俯引渊鱼。
 盘于游畋⁽¹²⁾，其乐只且○
 凌高远阿，俯仰咨嗟。
 怨⁽¹³⁾彼幽紫，邇尔⁽¹⁴⁾路遐。



虽有好音，谁与清歌？
 虽有姝颜，谁与发华？
 仰讯⁽¹⁵⁾高云，俯托轻波。
 乘流远遁，抱恨山阿○
 轻车迅迈，息彼长林。
 春木载荣，布叶垂阴。
 习习谷风，吹我素琴。
 咬咬⁽¹⁶⁾黄鸟，顾俦⁽¹⁷⁾弄音。
 感寤⁽¹⁸⁾驰情，思我所欤。
 心之忧矣，永啸长吟○
 浩浩洪流，带我邦畿。
 萋萋绿林，奋荣扬晖。
 鱼龙瀟灏，山鸟群飞。
 驾言出游⁽¹⁹⁾，日夕忘归。
 思我良朋，如渴如饥。
 愿言不获，怆矣其悲○
 息徒兰圃，秣马华山。
 流磻平皋，垂纶长川。
 目送归鸿，手挥五弦。
 俯仰自得，游心太玄。
 嘉彼钓叟，得鱼忘筌。
 郢人逝矣，谁可⁽²⁰⁾尽言○
 闲夜肃清，朗月照轩。
 微风动桂，组帐高褰。
 旨酒盈尊，莫与交欢。
 瑟琴⁽²¹⁾在御，谁与鼓弹？
 仰慕同趣，其馨若兰。
 佳人不存，能不永叹○
 乘风高游⁽²²⁾，远登灵丘。
 托⁽²³⁾好松乔，携手俱游。
 朝发太华，夕宿神州。
 弹琴咏诗，聊以忘忧○

琴诗自⁽²⁴⁾乐，远游可珍。
 含⁽²⁵⁾道独往，弃智遗身。
 寂乎无累，何求于人？
 长寄灵岳，怡志养神○
 流俗难悟，逐物不还。
 至人远鉴，归之自然。
 万物为一，四海同宅。
 与彼共之，予何所惜？
 生若浮寄，暂见忽终。
 世故纷纭，弃之八戎⁽²⁶⁾。
 泽雉虽饥，不愿园林。
 安能服御，劳形苦心？
 身贵名贱，荣辱何在？
 贵得肆志，纵心无悔。

附：秀才答四首

华堂临浚沼，灵芝茂清泉。
 仰瞻青⁽²⁷⁾禽翔，俯察绿水滨。
 逍遥步兰渚，感物怀古人。
 李叟寄周朝，庄生游漆园。
 时至忽蝉蜕，变化无常端○
 君子体变通，否泰非常理。
 当流则蚊⁽²⁸⁾行，时逝⁽²⁹⁾则鹤起。
 达者鉴通塞⁽³⁰⁾，盛衰为表里。
 列仙徇生命，松乔安足齿。
 纵躯任世度，至人不私己○
 达人与物化，世俗安可论⁽³¹⁾？
 都邑可优游，何必栖山原？
 孔父策良驷，不云世路难。
 出处因时资，潜跃无常端。
 保心守道居，视⁽³²⁾变安能迁○
 饰车驻骊，驾言出游。
 南厉伊洛，北登邱丘。



青林华茂，青鸟群嬉。
感悟长怀，能不永思？
永思伊何？思齐大仪。
凌云轻迈，托身灵螭。
遥集芝^[35]圃，释轡华池。
华木夜光，沙棠离离。
俯漱神泉，仰叽琼枝。
结^[34]心皓素，终始不亏。

幽愤诗一首

嗟余薄祜，少遭不造，
哀荣靡识，越在襁褓。
母兄鞠育，有慈无威。
恃爱肆姐，不训不师。
爰及冠带，冯宠自放，
抗心希古，任其所尚。
托好老庄，贱物贵身。
志在守朴，养素全真。
曰余不敏，好善闇人。
子玉之败，屢增惟尘。
大人含弘，藏垢怀耻。
民之多僻，政不由己。
惟此褊心，显明臧否。
感悟思愆，恒^[35]若创痛。
欲寡其过，谤议沸腾。
性不伤物，频致怨憎。
昔惭柳惠，今愧孙登。
内负宿心，外恶良朋。
仰慕严郑，乐道闲居。
与世无营，神气晏如。
咨予不淑，婴累多虞。
匪降自天，实由顽疏。
理弊患结，卒致困圉。

对答鄙讯，紫此幽阻。
实耻论免^[36]，时不我与。
虽曰义直，神辱志沮。
澡身沧浪，岂云能补？
嗷嗷鸣雁，奋翼北游。
顺时而动，得意忘忧。
嗟我愤叹，曾莫能俦。
事与愿违，遘兹淹留。
穷达有命，亦又何求！
古人有言，善莫近名。
奉时恭默，咎悔不生。
万石周慎，安亲保荣。
世务纷纭，祇搅予情。
安乐必减，乃终利贞。
煌煌灵芝，一年三秀。
予独何为？有志不就。
怨难思复，心焉内疚。
庶勗将来，无馨无臭。
采薇山阿，散发岩岫。
永啸长吟，颐性养寿。

述志诗二首

潜龙育神軀，濯^[37]鳞戏兰池。
延颈慕大庭，寝足俟皇羲。
庆云未垂景^[38]，盘桓朝阳陂。
悠悠非我匹，畴肯应俗宜？
殊类难追周，鄙议纷流离。
辘轳丁悔吝，雅志不得施。
耕舞感宁越，马席激张仪。
逝将离群侣，杖策追洪崖。
焦明^[39]振六翮，罗者安所羁？
浮游太清中，更求新相知。
比翼翔云汉，饮露餐琼枝。



多念世间人，夙驾咸驱驰。
冲静得自然，荣华安足为。○
斥鹫擅蒿林，仰笑神凤飞。
坎井蝥蛭⁽⁴⁰⁾宅，神龟安所归？
恨自用身拙，任意多永思。
远实与世殊，义誉非所希。
往事既已谬，来者犹可追。
何为人事间，自令心不爽？
慷慨思古人，梦想见容辉。
愿与知己遇，舒愤启其微。
岩穴多隐逸，轻举求吾师。
晨登箕山巅，日夕不知饥。
玄居养营魄，千载长自绥。

游仙诗一首

遥望山上松，隆谷郁青葱。
自遇一何高，独立迥无双⁽⁴¹⁾。
愿想游其下，蹊路绝不通。
王乔异⁽⁴²⁾我去，乘云驾六龙。
飘飘戏玄圃，黄老路相逢，
授我自然道，旷若发童蒙。
采药钟山隅，服食改姿容。
蝉蜕弃秽累，结友家板桐⁽⁴³⁾。
临觞奏九韶，雅歌何邕邕。
长与俗人别，谁能睹其踪？

六言十首

惟上古尧舜⁽⁴⁴⁾

二人功德齐均，不以天下私亲。
高尚简朴慈⁽⁴⁵⁾顺，宁济四海蒸民。

唐虞世道治

万国穆亲无事，贤愚各自得志。
晏然逸豫内忘，佳哉尔时可喜。

知慧用何为⁽⁴⁶⁾

法令⁽⁴⁷⁾滋章寇生，纷⁽⁴⁸⁾然相召不停。
大人玄寂无声，镇之以静自正。

名与身孰亲

哀哉世俗殉荣，驰骛竭力丧精。
得失相纷忧惊，自是⁽⁴⁹⁾勤苦不宁。

生生厚招咎

金玉满堂莫守，古人安此粗丑。
独以道德为友，故能延期不朽。

名行显患滋

位高势⁽⁵⁰⁾重祸基，美色伐性不疑。
厚味腊毒难治，如何贪人不思？

东方朔至清

外似⁽⁵¹⁾贪污内贞，移身滑稽隐名。
不为世累所撓⁽⁵²⁾，所欲不足无营⁽⁵³⁾。

楚子文善仕

三为令尹不喜，柳下降身蒙耻。
不以爵禄为己，静恭古惟二子。

老莱妻贤明⁽⁵⁴⁾

不愿⁽⁵⁵⁾夫子相荆，相将⁽⁵⁶⁾避禄隐耕。
乐道闲居采萍，终厉高节不倾。

嗟古贤原宪

弃背膏粱⁽⁵⁷⁾朱颜，乐此屢空饥寒。
形陋体逸心宽，得志一世无患。

重作四言诗七首(一作

秋胡行)⁽⁵⁸⁾

富贵尊荣，忧患谅独多。
富贵尊荣，忧患谅独多。
古人所惧，丰屋蔀家。
人害其上，兽恶网罗。
惟有贫贱，可以无他。



歌以言之，富贵忧患多○
 贫贱易居，贵盛难为工。
 贫贱易居，贵盛难为工。
 耻佞⁽⁵⁹⁾直言，与祸相逢。
 变故万端，俾吉作凶。
 思牵黄犬，其计莫从⁽⁶⁰⁾。
 歌以言之，贵盛难为工○
 劳谦寡⁽⁶¹⁾悔，忠信可久安。
 劳谦寡悔，忠信可久安。
 天道害盈，好胜者残。
 强梁致灾，多事招患⁽⁶²⁾。
 欲得安乐，独有无怨。
 歌以言之，忠信可久安○
 役神者弊，极欲令人⁽⁶³⁾枯。
 役神者弊，极欲令人枯。
 颜回短折，不⁽⁶⁴⁾及童乌。
 纵体淫恣，莫不早徂。
 酒色何物？今自⁽⁶⁵⁾不辜。
 歌以言之，酒色令人枯○
 绝智弃学，游心于玄默。
 绝智弃学，游心于玄默。
 遇过而悔⁽⁶⁶⁾，当不自得。
 垂钓一壑，所乐一国。
 被发行歌，和者⁽⁶⁷⁾四塞。
 歌以言之，游心于玄默○
 思与王乔，乘云游八极。
 思与王乔，乘云游八极。
 凌厉五岳，忽行万亿。
 授我神药，自生羽翼。
 呼吸太和，练形易色。
 歌以言之，思行游八极○
 徘徊钟山，息驾于层城。

徘徊钟山，息驾于层城。
 上荫华盖，下采若英。
 受道王母，遂升紫庭。
 逍遥天衢，千载长生。
 歌以言之，徘徊于层城。

思亲诗一首

奈何愁兮愁无聊，恒惻惻兮心若抽。
 愁奈何兮悲思多，情郁结兮不可化。
 奄失⁽⁶⁸⁾恃兮孤载载，内自悼兮啼⁽⁶⁹⁾失声。
 思报德兮邈已绝，感鞠育兮情剥裂。
 嗟母兄兮永潜藏，想形容兮内摧伤。
 感阳春兮思慈亲，欲一见兮路无因。
 望南山兮发哀叹，感机杖兮涕洟澜。
 念畴昔兮母兄在，心逸豫兮寿四海。
 忽已逝兮不可追，心劳约兮但有悲。
 上空堂兮靡无依，睹遗物兮心崩摧。
 中夜悲兮当谁告？独泣泪兮抱哀戚。
 日远迈兮思予心⁽⁷⁰⁾，恋所生兮泪不禁⁽⁷¹⁾。
 慈母没兮谁予骄？顾自怜兮心切切。
 诉苍天兮天⁽⁷²⁾不闻，泪如雨兮叹育⁽⁷³⁾云。
 欲弃忧兮寻复来，痛股股兮不可裁。

附：郭遐周赠三首

吾⁽⁷⁴⁾无佐世才，时俗不可⁽⁷⁵⁾量。
 归我北山阿，逍遥以倡佯。
 同气自相求，虎啸谷风凉。
 惟予与嵇生，未面分好章。
 古人美倾盖，方此何不臧。
 援箏执鸣琴，携手游空房。
 栖迟衡门下，何愿于姬姜。
 予心好永年，年永怀乐康。
 我友不期⁽⁷⁶⁾卒，改计适他方。
 岩东威发日⁽⁷⁷⁾，翻然将高翔。



离别在旦夕，惆怅以增伤○
 风人重离别，行道⁽⁷⁶⁾犹迟迟。
 宋玉哀登山，临水送将归。
 伊此往昔事，言之以增悲。
 叹我与嵇生，倏忽将永违⁽⁷⁹⁾。
 俯察渊鱼游，仰观双鸟飞。
 厉翼太清中，徘徊于丹池。
 饮哉得其所，令我心独违。
 言别在斯须，恻焉如调饥⁽⁸⁰⁾○
 离别自古有，人非比目鱼。
 君子不怀土，岂更得安居？
 四海皆兄弟，何患无彼姝？
 岩穴隐傅说，寒⁽⁸¹⁾谷纳白驹。
 方各以类聚，物亦以群殊。
 所在有智贤，何忧此不⁽⁸²⁾如？
 所贵身名存，功烈在简书。
 岁时易过历，日月忽其除。
 昂哉乎嵇生，敬德在⁽⁸³⁾慎躯。

附：郭遐叔赠五⁽⁸⁴⁾首

每念遽会，惟日不足。
 听往宵归，常苦其速。
 欢接无厌，如川赴谷。
 如何忽尔，将适他俗？
 言驾有日，巾车命仆。
 思念君子，温其如玉。
 心之忧矣，视丹如绿○
 如何忽尔⁽⁸⁵⁾，超将远游？
 情以休惕，惟思惟忧。
 展转反侧，寤寐追求。
 驰情运想，神往形留。
 心之忧矣，增其劳愁○
 不见可欲，使心不乱。

譬彼造化，抗无崖畔。
 封疆画界，事利任难。
 惟子与子，本⁽⁸⁶⁾不同贯，
 交重情亲，欲面无算。
 如何忽尔，时适他馆？
 明发不寐，耿耿披旦。
 心之忧矣，增其愤怨⁽⁸⁷⁾○
 天地悠长，人生若忽。
 苟非知命，安保旦夕？
 思与君子，穷年卒岁，
 优哉逍遥，幸无颺越。
 如何君子⁽⁸⁸⁾，超将远迈？
 我情愿关，我言愿结。
 心之忧矣，良以切怛○
 君子交有义，不必常相从。
 天地有明理，远近无异同。
 三仁不齐迹，贵在等贤踪。
 众鸟群相追，鸢鸟独无双。
 何必相响濡，江海自可容。
 愿各保遐心⁽⁸⁹⁾，有缘复来东。

答二郭三首

天下悠悠者，下京⁽⁹⁰⁾趋上京。
 二郭怀不群，超然来北征。
 乐道托莱⁽⁹¹⁾庐，雅志无所营。
 良时遵其愿，遂结欢爱情。
 君子义是亲，恩好笃平生。
 寡志⁽⁹²⁾自生灾，屢使众衅成。
 豫子匪梁侧，姦政变其形。
 顾此怀怛惕，虑在苟自宁。
 今当寄他域，严驾不得停。
 本图终宴婉，今更不克并。
 二⁽⁹³⁾子赠嘉诗，覆如幽兰馨。



恋土思所亲，不知⁽⁹⁴⁾气愤盈○
 昔蒙父兄祚，少得离负荷。
 因疏遂成懒，寝迹北山阿。
 但愿养性命，终已靡有他。
 良辰不我期，当年值纷华。
 坎壤趣世教，常恐婴网罗。
 羲农邈已⁽⁹⁵⁾远，拊膺独咨嗟。
 朔戒贵尚容，渔父好扬波。
 虽逸亦以难，非余心所嘉。
 岂若翔区外，餐琼漱朝霞。
 遗物弃鄙累，逍遥游太和。
 结友集灵岳，弹琴登清歌。
 有能从此⁽⁹⁶⁾者，古人何足多○
 详观凌世务，屯险多忧虞。
 施报更相市，大道匪不舒。
 夷路值⁽⁹⁷⁾荆棘，安步将焉如？
 权智相倾夺，名位不可居。
 鸾凤避罗网，远托昆仑墟。
 庄周悼灵龟，越稷⁽⁹⁸⁾嗟王舆。
 至人存诸己，隐璞乐玄虚。
 功名何足殉，乃欲列简书。
 所好亮若兹，杨氏叹交衢。
 去去从所志，敢谢道不俱。

与阮德如一首

含哀还旧庐，感切伤心肝。
 良时遘⁽⁹⁹⁾数子，谈慰臭如兰。
 畴昔恨不早，既面俾旧欢。
 不悟卒永离，念隔怅忧⁽¹⁰⁰⁾叹。
 事故无不有，别易会良难。
 鄙人忽已逝，匠石寝不言。
 泽雉穷野草，灵龟乐泥蟠。
 荣名秽人身，高位多灾患。

未若捐外累，肆志养浩然。
 颜氏希有虞，隰子慕黄轩。
 消彭独何人，唯志在⁽¹⁰¹⁾所安。
 渐渍痾近欲，一往不可攀。
 生生在豫积，勿以休自宽。
 南土早不凉，衿计宜早完。
 君其爱德素，行路慎风寒。
 自力致所怀，临文情辛酸。

附：阮德如答二首

早⁽¹⁰²⁾发温泉庐，夕宿宣阳⁽¹⁰³⁾城。
 顾眄怀惆怅，言思我友生。
 会遇一何幸，及于遵欢情。
 交际虽未久，恩爱发中诚。
 良玉须切磋，玛瑙就其形。
 随珠岂不曜，雕莹自光荣。
 与子犹兰石，坚芳互相成。
 庶几行⁽¹⁰⁴⁾古道，伐檀俟河清。
 不谓中高别，飘飘然远征。
 临舆执手诀⁽¹⁰⁵⁾，良海一何精。
 佳言盈我耳，援带以自铭。
 唐虞旷千载，三代不可并。
 洙泗久已往，微言谁共听？
 曾参易贲毙，仲由结其纆。
 晋楚安足慕，屢空守以⁽¹⁰⁶⁾贞。
 潜龙尚泥蟠，神龟隐其灵。
 庶保吾子言，养真以全生。
 东野多所患，暂往不久停。
 幸子无损思，逍遥以自宁○
 双美不易居，嘉会故难常。
 爰处⁽¹⁰⁷⁾愁斯土，与子遵兰芳。
 常愿永游集，拊翼同回翔。
 不悟卒永离，一别为异乡。



四牡一何速，征人告^[108]路长。
 顾步怀想象，游目屢太^[109]行。
 抚轸^[110]增叹息，念子安能忘！
 恬和为道基，老氏恶强梁。
 患至有身灾，荣子知所康。
 神龟实可乐，明戒在剖肠。
 新诗何笃穆，申咏增慨慷。
 舒检话良讯，终然永^[111]猷藏。
 还誓必不食，复与同故房^[112]。
 愿子荡忧虑，无以情自伤。
 俟路忘所以，聊以酬来章。

酒会诗七首^[113]

乐哉苑中游，周览无穷已。
 百卉吐芳华，崇基^[114]邈高峙。
 林木纷交错，玄池戏魃鲤。
 轻丸毙翔^[115]禽，纤纶出鱣鲤。
 坐中发美贄，异气同音轨。
 临川献清酤，微歌发皓齿。
 素琴挥雅操，清声随风起。
 斯会岂不乐？恨无东野子。
 酒中念幽人，守故弥终始。
 但当体七弦，寄心在知己○
 淡淡流水，沧胥而逝。
 泛泛柏舟，载浮载滞。
 微啸清风，鼓楫容裔。
 放棹投竿，优游卒岁○
 婉彼鸳鸯，戢翼而游。
 俯唼绿藻，托身洪流。
 朝翔素濑，夕栖灵洲。
 摇荡清波，与之沉浮○
 藻汜兰池^[116]，和声激朗。
 操缦清商，游心大象。

倾味修身，惠音遗响。
 钟期不存，我志谁赏○
 敛弦散思，游钓九渊。
 重流千仞，或偃者愚。
 猗与庄老，栖迟老年。
 实惟龙化，荡志浩然○
 肃肃等^[117]风，分生江涘。
 却背华林，俯溯丹坻。
 含阳吐英，履霜不衰。
 嗟我殊观，百卉具腓。
 心之忧矣，孰识玄机○
 猗猗兰蕙^[118]，殖彼中原。
 绿叶幽茂，丽蕊浓紫。
 馥馥蕙芳，顺风而宣。
 将御椒房，吐薰龙轩。
 瞻彼秋草，怅矣推寿。

杂诗一首

微风清^[119]扇，云气四除。
 皎皎亮月，丽于高隅。
 兴命公子，携手同车。
 龙骥翼翼，扬镳踟蹰。
 肃肃宵征，造我友庐。
 光灯吐辉，华幔长舒。
 鸾觞酌醴，神鼎烹鱼。
 弦超子野，叹过绵驹。
 流咏太素，俯贗玄虚。
 孰克英贤，与尔剖符。

四言诗四首^[120]

泆泆白云，顺风而回。
 渊渊绿水，盈坎而颓。
 乘流遥迈，自^[121]躬兰隈。
 杖策答诸，纳之素怀。



长啸清原，惟以告哀○
 眇眇翔鸾，舒翼太清。
 俯眺紫辰，仰看素庭。
 凌蹶玄虚，浮沉无形。
 将游区外，啸倡长鸣。
 神□^[122]不存，谁与独征○
 有舟浮覆，绵绵是维。
 栝楫松棹，泛若龙微。
 □^[123]津经险，越济不归。

思友长林，抱璞山帽。
 守器殉业，不能奋飞○
 羽化华岳，超游清霄。
 云盖习习，六龙飘飘。
 左佩椒桂，右缀兰荈。
 凌阳赞路，王子奉辚。
 婉变名山，真人是要。
 齐物养生，与道逍遥。

五言诗三首^[124]

人生譬朝露，世变多百罗。
 苟必有终极，彭聃不足多。
 仁义浇淳朴，前识丧道华。
 留弱丧自然，天真难可和。
 鄙人审匠石，钟子识伯牙，
 真人不屢存，高唱谁当和○
 修夜家^[125]无为，独步光庭侧。
 仰首看天衢，流光曜八极。
 抚心悼季世，遥念大道遥。
 飘飘当路士，悠悠进自棘。
 得失自己求，荣辱相蚕食。
 朱紫虽^[126]玄黄，太素贵无色。
 渊淡体至道，色化同消息○
 俗人不可亲，松乔是可邻。

何为秽浊间，动摇增垢尘。
 慷慨之远游，整驾俟良辰。
 轻举翔区外，濯翼扶桑津。
 徘徊戏灵岳，弹琴咏泰真。
 沧水澡五藏，变化忽若神。
 姮娥进妙药，毛羽翕光新。
 一纵发开阳，俯视当路人。
 哀哉世间人^[127]，何足久托身。

[1]这组诗的第一首为五言，周校本（即鲁迅辑校本）单列，题作《五言古意一首》。其余十八首为四言，周校本题作《四言十八首赠兄秀才入军》。

[2]“漱”，周校本作“嗽”。

[3]“疑”，周校本作“维”。

[4]“翻孤”，周校本作“翩独”。

[5]“心”，周校本作“必”。

[6]“晒”，周校本作“盼”。

[7]“彼”原作“隙”，据周校本改。

[8]“佳”，周校本作“遐”。

[9]“济”，程本、汪本作“跻”。

[10]“冈”，周校本作“梁”。

[11]“晒”，周校本作“盼”。

[12]“叟”，周校本、《文选》作“田”。

[13]“怨”，周校本作“寃”。

[14]“邈尔”，周校本作“室迳”。

[15]“讯”，周校本作“诉”。

[16]“咬咬”，张溥本、张燮本和

《古诗纪》作“交交”。

[17]“倚”，周校本、《文选》作“畴”。

[18]“寤”，张溥本、张燮本及《文选》作“梧”。

[19]“出游”，周校本作“游之”。

[20]“可”，张燮本、《文选》《古诗纪》及《初学记》十八引作“与”。

[21]“瑟琴”，周校本作“琴瑟”，张溥本及《文选》作“鸣琴”。

[22]“游”，周校本作“逝”。

[23]“托”，周校本作“结”。

[24]“自”，周校本作“可”。

[25]“舍”，周校本、张溥本、张燮本作“舍”。

[26]“戎”原作“成”，据周校本改。

[27]“青”，周校本作“春”。

[28]“蚁”原作“义”，据周校本、汪本改。

[29]“逝”原作“游”，据周校本改。

[30]“塞”，周校本作“机”。

[31]此句周校本作“无俗不可安”。

[32]“视”，周校本作“睹”。

[33]“芝”，周校本作“玄”。

[34]“结”，周校本作“栖”。

[35]“恒”《晋书》本传作“恒”。

[36]“免”，张溥本、张燮本、周校

本和《晋书》本传作“冤”。

[37]“濯”，周校本作“跃”。

[38]“景”，周校本作“降”。

[39]“明”原作“鹏”，据周校本改。

[40]“姪”，周校本作“蛙”。

[41]此句周校本作“独立边无丛”。

[42]“异”原作“弃”，据周校本改。《说文》：“异，举也。”

[43]此句周校本作“结交家梧桐”。

[44]“惟上古尧舜”五字原在“六言十首”下，今据张燮本移行，为第一首的标题。

[45]“慈”原作“兹”，据周校本改。

[46]此题原作“知慧用”，“何为”二字据周校本加。

[47]“法令”原作“为法”，据周校本改。

[48]“纷”，周校本作“自”。

[49]“是”，周校本作“贪”。

[50]“势”原作“世”，据周校本改。

[51]“似”原作“以”，据周校本改。

[52]“纓”，周校本作“纓”。

[53]此句周校本作“所以知足无营”。



[54]“明”原作“名”，据周校本改。

[55]“愿”原作“顾”，据周校本、张溥本、张燮本改。

[56]“相将”，周校本作“将身”。

[57]“梁”原作“梁”，据周校本改。

[58]此题周校本作《重作六言诗十首代秋胡歌诗七首》，张燮本作《秋胡行七首》。

[59]“佞”，周校本作“接”。

[60]此句《乐府诗集》作“其莫之从”。“计”，周校本作“志”。

[61]“寡”，周校本作“无”，《乐府诗集》作“有”，下句同。

[62]此句《乐府诗集》作“多招祸患”。

[63]“令人”原作“疾”，据周校本改。

[64]“不”，周校本作“下”。

[65]“今自”，周校本作“自令”。

[66]此句周校本作“过而复悔”，《乐府诗集》无“遇”字。

[67]“者”，周校本作“气”。

[68]“失”，周校本作“无”。

[69]“啼”，周校本作“歎”。

[70]此句周校本作“亲日远兮思日深”。

[71]“不禁”，周校本作“流襟”。

[72]“天”，周校本作“远”。

[73]“青”，周校本作“成”。

[74]“吾”，周校本作“亮”。

[75]“不可”，周校本作“所不”。

[76]“期”，周校本作“斯”。

[77]此句周校本作“严车感发日”。

[78]“道”原作“道”，据周校本和他本改。

[79]此句周校本作“忽然将永离”。

[80]“调饥”，周校本作“朝饥”。

[81]“寒”，周校本作“空”。

[82]“此不”，周校本作“不此”。

[83]“在”，周校本作“以”。

[84]“五”原作“四”，据周校本改。

[85]此句当前有夺文。

[86]“不”上原空一字，程本作“实”，汪本和张溥本作“蔑”，张燮本和《古诗纪》作“鲜”，注云：“一作‘籍’。”周校本作“本”，今据周校本补。

[87]“怨”，周校本作“叹”。

[88]“君子”疑当作“忽尔”。

[89]“心”，周校本作“年”。

[90]“下京”，周校本作“不能”。

[91]“菜”，周校本作“蓬”。

[92]“志”，周校本作“智”。

[93]“二”原作“三”，据周校本改。



- [94]“不知”，周校本作“能不”。
- [95]“已”，周校本作“以”。
- [96]“此”，周校本作“我”。
- [97]“值”，周校本作“殖”。
- [98]“稷”，张溥本、张燮本及《古诗纪》作“穆”，《古诗笺》改作“搜”。
- [99]“数”，周校本作“吾”。
- [100]“忱”，周校本作“增”。
- [101]“志在”，周校本作“在志”。
- [102]“早”，周校本作“旦”。
- [103]“宣阳”当作“宜阳”，邑名。
- [104]“行”，周校本作“弘”。
- [105]“决”，周校本作“诀”。
- [106]“守以”，周校本作“以守”。
- [107]“处”，周校本作“自”。
- [108]“告”，周校本作“去”。
- [109]“太”，周校本作“大”。
- [110]“转”，周校本作“辘”。
- [111]“永”，汪本作“未”。
- [112]此句周校本作“复得同林房”。
- [113]周校本将第一首五言诗单列，题云《酒会诗一首》；后六首四言诗和此本未收的四首四言诗以及卷末

《杂诗一首》，周校本合题为《四言诗十一首》。

- [114]“基”，周校本作“台”。
- [115]“翔”，周校本作“飞”。
- [116]“藻记”二字原空缺，据周校本补，他本作“流泳”。“池”，周校本作“沁”。
- [117]“苓”，张溥本及《古诗纪》作“苓”，疑当作“冷”。
- [118]“藹”，周校本作“霏”。
- [119]“清”，周校本作“轻”。
- [120]此四首原本无，今据周校本《四言诗十一首》补，标题为校者所加。参见注[113]。
- [121]“自”，周校疑为“息”之误。
- [122]“神”下原空一字。
- [123]“津”上原空一字。
- [124]此三首原本无，今据周校本补，标题亦依周校本。
- [125]“家”，周校疑为“寂”之误。
- [126]“虽”，周校疑为“杂”之误。
- [127]“世间人”，周校疑当作“人间世”。